

Rite Rössli

Rite, rite, Rössli!


Z'Thun steit es Schlössli,
z'Bern steit es guldigs Huus,
luege drei Mareie druus:
Di Erschti, die spinnt Side,
di Zwöiti schnätzlet Chride,
di Dritti, die spinnt
Haberstrou.

Bhüet mer Gott mis Schätzeli
ou.



Mini Farb u dini

Mini Farb u dini das git zäme zwöi,
wäres 3,4,5,6,7,
wo gärn wete zäme blibe,
gits e 🌈, wo sech lat la gseh.
gits e 🌈, wo sech lat la gseh.



Dr Töff vom Polizischt

Der Töff vom Polizischt, dä het es Loch im
Pneu.

Dr Töff vom Polizischt, dä het es Loch im Pneu.
Dr Töff vom Polizischt, dä het es Loch im Pneu,
und mir flickes mit emne Chätschgummi.

Alfa Romeo, Fiat, Lancia,
Alfa Romeo, Fiat, Lancia,
Alfa Romeo, Fiat, Lancia,
u mir flickes mit emne Niämniämniäm.




D Redli vom Bös

D Redli vom Bös di träie sich, träie sich,
träie sich.

D Redli vom Bös die träie sich
stundelang.


Ds Hupi vom Bös macht tut-tut-tut,
tut-tut-tut, tut-tut-tut.

Ds Hupi vom Bös macht tut-tut-tut -
stundenlang



Dr alt Mc Donald

Dr alt Mc Donald het e Farm I-A-I-A-HO
und uf dr Farm da het är ä Traktor
I-A-I-A-HO
und es brum brum da und es brum brum
dert
hie es brum, dert es brum
u überall es brum brum brum




Gling Gling Gling lue Post isch da

Gling, gling, gling,
lueg d Poscht isch daa.

Gling, gling, gling,
vo Afrika.

Gling, gling, gling
und no ä Schritt.

Gling, gling, gling
und du chunnsch mit.



Äs rägelet

Äs tröpfelet, äs tröpfelet,
dr Obermüller klöpferlet.

Äs rägelet, äs rägelet,
dr Obermüller sägelet.

Äs giesst, äs giesst,
dr Obermüller niesst.

Hatschi

A collection of light gray, semi-transparent bubbles of various sizes scattered across the bottom right portion of the page, extending from the text area towards the bottom edge.